

# Kuasai ilmu, gunakannya bagi pembangunan negara

Assalamu'alaikum  
Warahmatullahi Wabarakatuh  
Bismillaahir Rahmaanir Raheem

Alhamdulillah Rabbil 'Alameen,  
Wahibhee Nasta'eenu 'Alaa  
Umuuriddunya Wadden, Wassalaatu  
Wassalaamu 'Ala Asyara'il  
Mursaleen, Sayyidina Muhammadin,  
Wa'ala Aalihee Wasahbihee  
Ajma'een, Waba'du.

**B**ETA bersyukur ke hadirat Allah Subhanahu Wata'ala kerana dapat hadir di Majlis Haflut Takharuj Kali Ke-8, Universiti Islam Sultan Sharif Ali pada pagi ini.

Beta terlebih dahulu merakamkan setinggi-tinggi ucapan tahniah kepada semua graduan yang telah berjaya menyempurnakan pengajian masing-masing. Beta juga tidak lupa melafazkan penghargaan kepada para ibu bapa, penjaga dan pensyarah yang sama-sama menyumbangkan sokongan dan khidmat bagi kejayaan para graduan ini.

Kita sama-sama memahami bahawa universiti adalah sebuah gedung ilmu. Di sinilah tempat menimba ilmu, tempat berguru dan tempat membina syakhsiah para siswazah. Oleh yang demikian, suka beta mengingatkan semula, bahawa kelahiran UNISSA, bukan setakat untuk menambah bilangan universiti di negara ini, malah penubuhan UNISSA bertujuan untuk menyediakan pengajian tinggi Islam tulen sejati. Kerana itu pastikan UNISSA tidak menyimpang ke mana-mana.

Berjalanlah di atas landasan asal mengagungkan ilmu, bagi satu perubahan pesat yang mencabar. Para graduan perlu mampu untuk menguasai ilmu dan menggunakannya bagi pembangunan. Inilah cabaran Abad Ke-21 untuk dipenuhi. Semua orang tidak boleh lalai menghadapinya.

Oleh itu, sebagai pelengkap, UNISSA perlu menyediakan program-program berkualiti dan sekali gus mengajarkan kepada para pelajarinya kemahiran-kemahiran bagi mengadaptasi keperluan sekarang dan akan datang. Ini termasuklah dengan mengemaskinikan semua program akademik yang ada.

Pastikan semua program menepati sasaran. Kita tidak mahu, yang tersurat sahaja kelihatan cantik, tetapi yang tersirat jelek. Misalnya, semua orang mengaku kebajikan undang-undang, tetapi terhadap undang-undang Islam, ada yang memandang serong. Ini juga, turut menjadi kewajipan kepada UNISSA, untuk membentukkan perspektif yang lapuk ini, yang amat mengelirukan itu.

UNISSA, mesti terus berazam untuk memperkasa pengajian dan pendidikan



TITAH Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah ibni Al-Marhum Sultan Haji Omar 'Ali Saifuddin Sa'adul Khairi Waddien, Sultan dan Yang Di-Pertuan Negara Brunei Darussalam, Canselor Universiti Islam Sultan Sharif Ali (UNISSA) pada Majlis Hafl Al-Takharuj Ke-8 UNISSA pada Isnin, 7 Muharam 1440 Hijrah bersamaan 17 September 2018 Masihi di Dewan Plenari, Pusat Persidangan Antarabangsa, Berakas.

Islam tulen. Kuantkanlah hujah memerangi kebatilan. Kebatilan itu, tidak mesti muncul daripada dalam, bahkan banyak yang datang daripada luar. Ia datang dengan pelbagai cara, ada dengan cara dibawa dan lebih lumrah ialah melalui aplikasi media.

Kita orang Brunei dan UNISSA, jangan terlepas pandang perkara ini. Ini adalah racun, perlu dielakkan. Sebaliknya pertahankanlah 'kebenaran' dalam agama, sekalipun banyak pihak tidak menyukainya. Selama mana Allah suka, maka itulah pilihan kita.

Beta mahu, UNISSA menjadi tonggak memelihara agama. Ia perlu kukuh dan teguh, ibarat tembok yang kuat, berperanan menahan ombak besar.

Kerana itu, melihat kepada kepentingan ini, beta telah memperkenalkan satu tapak, di Mukim Labu, Temburong bagi kampus kekal UNISSA didirikan. Beta juga memperkenankan satu peruntukan di bawah Rancangan Kemajuan Negara Ke-11 bagi pembinaan kampus ini.

Beta berharap dengan adanya kampus ini kelak, akan melonjaklah lagi reputasi

UNISSA dan sekali gus merealisasikan harapan kita semua untuk melihatnya sebagai hab pengajian tinggi Islam di rantau ini.

UNISSA bukan sahaja perlu cemerlang dalam negara, malah juga mesti cemerlang di peringkat serantau dan global. Maka untuk itu, tibalas masanya untuk UNISSA merebut kedudukan dari segi sistem ranking di peringkat rantau mahupun dunia. Alangkah baiknya, jika UNISSA dapat membuktikan dirinya sebagai mampu untuk menjadi saingan kepada universiti-universiti yang lain.

Akhirnya, beta turut mengambil peluang untuk merakamkan ucapan setinggi-tinggi tahniah dan penghargaan kepada seluruh warga UNISSA yang meliputi Ahli-ahli Majlis, Ahli-ahli Senat, rektor, pegawai utama, ahli-ahli akademik dan seluruh pegawai serta kakitangan universiti di atas segala sumbangan dan khidmat bakti mereka. Semoga Allah jua yang akan membalas mereka dengan ganjaran yang berlipat ganda.

Sekian, Wabillahi Taufeq Walhidayah, Wassalamu Alaikum Warahmatullahi Wabarakatuh.

Dari Sidang  
Pengarang.

22 SEPTEMBER 2018 BERSAMAAN 1440 12

TERUS BERKEMBANG MAJU  
MENJADI INSTITUSI HAFAZAN  
AL-QURAN TERUNGKUL

**I**NSTITUT Tahfiz Al-Quran Sultan Haji Hassanal Bolkiah (ITQSHHB) merupakan institut tunggal yang berprestij di Negara Brunei Darussalam yang telah mendapat perhatian dari luar negara, khasnya dari kalangan ilmuwan agama Islam.

Kemajuan pengajian hafazan Al-Quran ITQSHHB bermula dengan mengajarkan hafazan Al-Quran sehingga meningkat ke tahap pengajian ilmu Qiraat Al-Quran, yang mana semenjak pengajian Qiraat Ijazah Sarjana Muda di Mahad Qiraat Syubra, Mesir, iaitu sebuah pusat pengajian hafazan Al-Quran dan Qiraat yang terkenal.

Peningkatan itu merupakan lanjutan daripada pengajian ilmu hafazan Al-Quran yang akan melayakkan graduan menyambung pengajian ke peringkat Ijazah Sarjana Muda di Mahad Qiraat Syubra, Mesir, iaitu sebuah pusat pengajian hafazan Al-Quran dan Qiraat yang terkenal.

Sepanjang 25 tahun penubuhannya, ITQSHHB telah menghasilkan seramai 279 orang huffaz (hafiz-hafiz) yang khatam 30 juzuk Al-Quran dan 53 orang daripadanya adalah huffaz yang diiktiraf lulus ujian Tasmiq Al-Quran 30 juzuk oleh Lembaga Tasmi'e Kebangsaan.

ITQSHHB turut melahirkan beberapa orang alumni institut yang berjaya menajawat jawatan dalam kerjaya profesional dan 24 orang alumni tersebut berkhidmat sebagai tenaga pengajar di ITQSHHB.

Di samping itu, terdapat beberapa orang pelajar lepasan ITQSHHB juga telah berjaya menerima anugerah biasiswa 'Sultan's Scholar' dan Dermasiswa kerajaan Kebawah DYMM bagi melanjutkan pengajian mereka di luar negara.

Selain itu, para pelajar ITQSHHB juga terlibat dan dilantik bagi mengimamkan sembahyang sunat terawih di sepanjang bulan Ramadan, yang mana kesemua imam yang terpilih ditempatkan di 62 buah masjid di Daerah Brunei dan Muara, Tutong dan Kuala Belait.

ITQSHHB juga dianugerahkan sebagai Mahad Mithali oleh kerajaan Arab Saudi di majlis penyampaian antarabangsa His Royal Highness King Abdullah bin Abdul Aziz Al-Saud bagi Al-Quran Al-Kareem yang ketujuh berlangsung pada 10 Ramadan 1435 bersamaan 7 Julai 2014 di Jeddah, Kerajaan Arab Saudi.

Dalam sabda Duli Yang Teramat Mulia Paduka Seri Pengiran Muda Mahkota Pengiran Muda (Dr.) Haji Al-Muhtadee Billah ibni Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah, Menteri Kanan di Jabatan Perdana Menteri pada Majlis Haflut Takharuj Kali Ke-6 dan Sambutan 25 Tahun Jubli Perak Penubuhan ITQSHHB 2018, DYT yakin institut berkenaan akan terus berkembang maju sebagai sebuah institusi Hafazan Al-Quran yang terunggul serta mampu melahirkan lebih ramai huffaz yang profesional, progresif dan kompetitif sejajar dengan perkembangan dan keperluan semasa.

"Alhamdulillah di sepanjang tempoh 25 tahun penubuhannya, institut telah banyak meraih kejayaan khususnya dalam memenangi tanggungjawabnya dari sudut sosial dan ummah selaras dengan tuntutan fardu kifayah, di samping melahirkan lebih ramai para Hafiz Al-Quran bagi negara ini," sabda DYT.

Sabandanya lagi, usaha demikian adalah semata-mata untuk memastikan keusikan dan keasilan Al-Quran akan sentiasa terpelihara dari sebarang perubahan, pindaan dan pengurangan.

Institut Tahfiz dihasratkan akan dapat mencetuskan usaha-usaha ke arah menjadikannya sebagai pusat kecemerlangan ilmu yang mampu melahirkan insan terpelajar yang akan mengisi ruang dan pelusuk ketamadunan ummah yang terbaik dan mulia di sisi masyarakat. - Ketua Penyuntingan (Ad).

**RAMALAN CUACA 3 HARI**

SABTU	AHAD	ISNIN
<b>BANDAR SERI BEGAWAN</b>		
32 25 °C	32 24 °C	31 24 °C
<b>PEKAN BANGAR</b>		
32 25 °C	32 24 °C	31 24 °C
<b>PEKAN TUTONG</b>		
32 25 °C	32 24 °C	31 24 °C
<b>KUALA BELAIT</b>		
32 25 °C	32 24 °C	31 24 °C

Walaupun Bismillah  
Jabatan Kaji cuaca  
Brunei Darussalam  
www.mret.gov.bn

Talian Cuaca  
**114**

Brunei WX  
App

**WAKTU SEMBAHYANG**

firman Allah Ta'ala dalam Surah Al-Ankabut, ayat 45, bermaksud:  
"...dan dirikanlah sembahyang sesungguhnya sembahyang itu mencegah daripada fasya' dan mungkar."

Masihi SEPTEMBER	HARI	Hijrah MUHARAM	IMSAK	SUBUH	SYURUK	DUHA	ZUHUR	ASAR	MAGRIB	ISYAK
22	SABTU	12	4.43	4.53	6.10	6.32	12.14	3.21	6.17	7.26
23	AHAD	13	4.42	4.52	6.09	6.32	12.14	3.21	6.16	7.25
24	ISNIN	14	4.42	4.52	6.09	6.31	12.14	3.22	6.16	7.25
25	SELASA	15	4.42	4.52	6.09	6.31	12.13	3.22	6.15	7.24
26	RABU	16	4.42	4.52	6.09	6.31	12.13	3.22	6.15	7.24
27	KHAMIS	17	4.42	4.52	6.09	6.31	12.12	3.22	6.14	7.23
28	JUMAAAT	18	4.41	4.51	6.08	6.31	12.12	3.22	6.14	7.23

Daerah Brunei Muara & Temburong. Peringatan: Waktu-waktu sembahyang bagi Daerah Tutong ditambah 1 minit dan Daerah Belait ditambah 3 minit.

**TALIAN KECEMASAN**

AMBULANS <b>991</b>	POLIS <b>993</b>	BOMBA <b>995</b>	PENYELAMAT <b>998</b>
------------------------	---------------------	---------------------	--------------------------

(Talian Darussalam) JABATAN PERKHIDMATAN ELEKTRIK  
JABATAN PENGANGKUTAN DARAT.  
KEMENTERIAN PEMBANGUNAN DAN e-darussalam

**NDMC**  
**123**  
**2380214**